

Rješenjem Vlade Kantona Sarajevo, broj: 02-05-2840-20/17 od 09.02.2017.godine („*Službene novine Kantona Sarajevo*“, broj: 7/17) imenovan je Upravni odbor Fonda memorijala u sastavu:

1. Bego Selimović, po struci dipl.pravnik - predsjednik
2. Rasim Duraković, po struci profesor odbrane i sigurnosti - član
3. Mejra Tahmišćija, po struci magistar politologije - član
4. Lejla Murtić, po struci doktor stomatologije - član
5. Memić Dina, član po struci profesor historije – član

Dana 17.10.2017.godine član Upravnog odbora gđa Memić Dina, imenovana naprijed navedenim rješenjem za člana Upravnog odbora iz reda stručnih zaposlenika Fonda memorijala, podnijela je neopozivu ostavku na mjesto člana Upravnog odbora Fonda memorijala. Shodno podnesenoj ostavci Rješenjem Vlade Kantona Sarajevo, broj: 02-05-32196-7.1/17 od 09.11.2017.godine imenovana je razriješena dužnosti člana Upravnog odbora Fonda memorijala. Rješenjem Vlade Kantona Sarajevo, broj: 02-05-32196-7.2/17 od 09.11.2017.godine, imenovan je vršioc dužnosti člana Upravnog odbora Fonda memorijala, gđin Karić Midhat, do okončanja procedure javnog oglasa, a najviše 2 /dva/ mjeseca. Imenovani je obnašao naprijed navedenu funkciju do 10.12.2017.godine kada je Rješenjem Vlade Kantona Sarajevo, broj: 02-05-35226-11/17 od 11.12.2017.godine na mjesto člana Upravnog odbora Fonda memorijala iz reda stručnih zaposlenika imenovana Rizvanović-Kovačević Alma, po struci magistar komunikologije.

U izvještajnom periodu, odnosno do 31.12.2018.godine, o radu Upravnog odbora uredno se izvještavala Vlada Kantona Sarajevo, putem Ministarstva za boračka pitanja Kantona Sarajevo, dostavom usvojenih zapisnika nakon svake održane sjednice.

Svim sjednicama Upravnog odbora, kao izvještač, redovno je prisustvovao i direktor Fonda memorijala.

U izvještajnom periodu organizovano je i održano 13 /trinaest/ redovnih sjednica Upravnog odbora i doneseno 38 /tridesetosam/ odluka, 31 /dvadeset/ zaključaka i 2 /dva/ ostala akta Upravnog odbora. Svi doneseni akti Upravnog odbora su većim dijelom i realizovani.

Na svim sjednicama redovno su prisustvovali svi članovi Upravnog odbora i odlučivali u broju koji je potreban za pravovaljano odlučivanje.

Predmet rada Upravnog odbora odnosio se na stalna pitanja iz oblasti poslovne politike, organizacije i rada Fonda memorijala.

Razmatrani su i usvojeni tromjesečni, šestomjesečni, devetomjesečni izvještaj o finansijskom poslovanju za 2018.godinu. Također, razmatrani su i usvojeni godišnji izvještaj o radu i izvještaj o finansijskom poslovanju Fonda memorijala za 2017.godine. Također, donesen je Program rada i Finansijski plan za 2018.godinu. Godišnji izvještaji (o radu i finansijski) i programi (o radu i finansijski plan) usaglašeni su sa zahtjevanom Metodologijom izrade i donošenja godišnjih programa i izvještaja o radu donesene od strane Vlade Kantona Sarajevo – Odluka o metodologiji izrade i donošenja Programa rada i Izvještaja o radu Vlade Kantona Sarajevo i kantonalnih organa (“*Službene novine KS*”, broj: 29 /12,11/17 i 8/18).

U izvještajnom periodu, razmatran je i usvojen izvještaj o provedenim postupcima javnih nabavki za 2017. godinu i donesen je Plan Javnih nabavki za 2018.godinu, te je razmatran i usvojen Izvještaj o popisu stalnih sredstava, potraživanja i obaveza Fonda memorijala za 2017.godinu.

Pored navedenih zbirnih izvještaja, Upravni odbor bio je uključen u poslovanje Fonda memorijala putem pojedinačnih projekata.

Svi projekti, bilo da su iz programskih ili vanprogramskih aktivnosti, odobreni od strane ovog tijela, Upravni odbor direktno je odlučivao o raspodjeli sredstava koja su budžetom bila planirana u kumulativnom iznosu.

Upravni odbor bio je angažovan i kod razmatranja i usvajanja planskih dokumenata, programa aktivnosti i finansijskog plana za narednu godinu, koji su izrađeni prema traženoj metodologiji.

Na polju normativne djelatnosti donesen je Pravilnik o izmjeni pravilnika o unutrašnjoj organizaciji i sistematizaciji radnih mjesta Fonda memorijala, kao i Pravila Javne ustanove „Fond Memorijala Kantona Sarajevo“.

Fond memorijala je u analiziranom periodu, vrlo uspješno realizovao obiman i raznovrstan program rada. Ova realizacija programa rezultat je zajedničkog zalaganja postojeće kadrovske strukture Fonda memorijala, odnosno njegovih zaposlenika, menadžmenta i Upravnog odbora.

Realizacija programa rada omogućena je zahvaljujući, prije svega, obezbjeđenim sredstvima u Budžetu Kantona Sarajevo za 2018. godinu na poziciji Fonda memorijala, vlastitim sredstvima Fonda memorijala ostvarenih prodajom ulaznica na Spomeničkom kompleksu “Tunel spasa D-B”, tekućim transferima drugih nivoa vlasti (ministarstava, općina u Kantonu Sarajevo).

Stoga Upravni odbor, u namjeri da Fond memorijala zadrži postignuti nivo i kvalitet rada, ali i odgovorno zadovolji svim budućim potrebama i zahtjevima, putem ovog izvještaja traži podršku i razumjevanje kantonalnih struktura vlasti za buduće kontinuirano djelovanje Fonda memorijala Kantona Sarajevo.

**PREDSJEDNIK  
UPRAVNOG ODBORA  
Bego Selimović**

Broj:UO/13-10/19  
Sarajevo, 25.03.2018.godine